

REGLUGERÐ

fyrir Kópavogshæli.

I. KAFLI

Hlutverk

1. gr.

Hlutverk stofnunarinnar er að taka til þjálfunar, uppeldis og vistunar vangefna, sem sakir fötlunar sinnar verða að dveljast á sjúkrahúsum í skilningi laga nr. 59/1983, um heilbrigðisþjónustu, eða á öðrum deildum, sem taldar eru upp í 2. gr. og falla undir ákvæði 7. gr. laga nr. 41/1983, um málefni fatlaðra.

II. KAFLI

Starfsemi

2. gr.

Við stofnunina skal rekin eftirfarandi starfsemi:

a) Sérhæfðar deildir:

1. Barnadeildir
2. Unglingadeildir
3. Atferlismótunardeildir
4. Undirbúningsdeildir fyrir sambýli
5. Vinnustofur, þar með talin dagvistun
6. Leiktækjaþjónusta

b) Hjúkrunardeildir

1. Almenna deild
2. Öldrunardeild

c) Göngudeild.

3. gr.

Á hverri deild skulu að jafnaði ekki vera fleiri en 10 einstaklingar og þannig um deildir bóúð að þær myndi sem sjálfstæðastar einingar. Undirbúningsdeildir fyrir sambýli og deildir fyrir atferlistruflaða skulu að jafnaði ætlaðar 6 einstaklingum. Við hverja deild að undanskilinni deild fyrir atferlistruflaða skal rekin skammtímavistun fyrir a. m. k. einn einstakling.

4. gr.

Við stofnunina skal lögð sérstök áhersla á sérhæfða lækniþjónustu fyrir vangefna á landinu öllu. Ennfremur skal rekin hjúkrun, sjúkraþjálfun, iðjuþjálfun, sálfræðiþjónusta, félagsráðgjöf, þroskaþjálfun svo og önnur nauðsynleg þjónusta til þess að stofnunin geti annast hlutverk sitt.

III. KAFLI

Yfirstjórn og rekstur

5. gr.

Stofnunin skal rekin undir yfirstjórn heilbrigðis- og tryggingamálaráðuneytisins, en stjórn hennar að öðru leyti falin stjórnarnefnd og forstjóra ríkisspítalanna samkv. 31. gr. 1. tl. laga nr. 59/1983, um heilbrigðisþjónustu.

IV. KAFLI**Starfsfólk**

6. gr.

Ráðinn skal sérstakur framkvæmdastjóri að stofnuninni. Við stofnunina skal starfa yfirlæknir, hjúkrunarforstjóri, yfirsálfræðingur, yfirfélagsráðgjafi og yfirþroskaþjálfari, í samræmi við gildandi lög um þessar starfsstéttir. Framkvæmdastjóri sér um daglegan rekstur stofnunarinnar og ber ábyrgð á honum gagnvart forstjóra ríkisspítalanna. Yfirlæknir ber ábyrgð á lækningum, sjúkraþjálfun og iðjuþjálfun og hefur eftirlit með starfsemi stofnunarinnar í samræmi við lög nr. 59/1983, um heilbrigðisþjónustu. Hjúkrunarforstjóri skipuleggur hjúkrun og ber ábyrgð á henni, yfirsálfræðingur skipuleggur sálfræðiþjónustu og ber ábyrgð á henni, yfirfélagsráðgjafi skipuleggur félagsráðgjöf og ber ábyrgð á henni og yfirþroskaþjálfari skipuleggur þroskaþjálfun og ber ábyrgð á henni. Yfirsálfræðingur, yfirfélagsráðgjafi og yfirþroskaþjálfari bera ábyrgð gagnvart yfirlækni á störfum sínum.

7. gr.

Við stofnunina skulu einnig starfa læknar, hjúkrunarfræðingar sálfræðingar, félagsráðgjafar, þroskaþjálfarar, sjúkraþjálfarar, iðjuþjálfarar auk aðstoðarfólks miðað við þjálfunar- og umönnunarþörf vistmanna hinna einstöku deilda.

V. KAFLI**Stofnunarráð**

8. gr.

Við stofnunina skal starfa sérstakt ráð, sem í eiga sæti framkvæmdastjóri, yfirlæknir, formaður læknaáráðs, hjúkrunarforstjóri, yfirsálfræðingur, yfirfélagsráðgjafi, yfirþroskaþjálfari og einn fulltrúi frá Foreldra- og vinafélagi stofnunarinnar, einn frá starfsmannaráði (kjörnir til tveggja ára í senn) og einn frá félagsmálaráðuneytinu sem sérstaklega gæti hagsmuna svæðisstjórna skv. lögum nr. 41/1983, um málefni fatlaðra. Stjórnarnefnd ríkisspítalanna skipar formann úr hópi ráðsmanna til 2ja ára í senn. Ráðið skal halda fundi eins oft og þurfa þykir, þó eigi sjaldnar en mánaðarlega. Ráðið er ráðgefandi um málefni stofnunarinnar.

VI. KAFLI**Vistun og útskrift**

9. gr.

Vistun og útskrift er í höndum yfirlæknis að höfðu samráði við hjúkrunarforstjóra, yfirsálfræðing, yfirfélagsráðgjafa og yfirþroskaþjálfara að fenginni tillögu viðkomandi svæðisstjórnar.

VII. KAFLI**Gildistaka**

10. gr.

Reglugerð þessi er sett með stöð í 24. gr. laga nr. 59/1983, um heilbrigðisþjónustu, sbr. og lög nr. 41/1983, um málefni fatlaðra, og öðlast gildi 1. júlí 1986.

Ákvæði til bráðabirgða

1. Unnið skal að því á næstu 10 árum frá gildistöku reglugerðarinnar að útskrifa á sambýli eða aðrar víðeigandi stofnanir í heimabyggð, 75 einstaklinga, þannig að miðað við núverandi húsakost og aðstöðu verði ekki vistaðir á stofnuninni fleiri en 100 einstaklingar.

2. Þar til ákvörðun hefur verið tekin um framtíðarstarfsemi Tjaldanesheimilisins í Mosfellssveit skal stjórn þess falin stjórnarnefnd ríkisspítalanna en heimilið rekið sem sjálfstæð stofnun að öðru leyti.

Heilbrigðis- og tryggingamálaráðuneytið, 11. október 1985.

Matthías Bjarnason.

Jón Ingimarsson.

AUGLÝSING

um umferð í Reykjavík.

Samkvæmt heimild í 65. gr. umferðarlaga nr. 40 1968 og að fengnum tillögum borgarráðs hefir eftirfarandi verið ákveðið:

1. Einstefnuakstur verður á Kárástíg frá Skólavörðustíg að Frakkastíg. Bifreiðastöður verða heimilaðar beggja vegna götunnar.
2. Biðskylda verður á L ynghálsi gagnvart umferð um Stuðlaháls.
Ákvæði auglýsingar þessarar taka gildi 20. þ. m.

Lögrelustjórinn í Reykjavík, 9. október 1985.

Sigurjón Sigurðsson.

SAMÞYKKT

**um breytingu á lögreglusamþykkt fyrir Reykjavík,
nr. 2 7. janúar 1930.**

1. gr.

Við 46. gr., sbr. breytingar nr. 95 14. júlí 1958, nr. 468 22. október 1975, nr. 318 25. ágúst 1977 og nr. 482 27. júní 1983, bætist ný málsgrein, svohljóðandi:

Í Þingholtunum og á Skólavörðuhæð, á svæði, sem afmarkast af Snorrabraut, Laugavegi, Bankastræti og Lækjargötu, Fríkirkjuvegi, Sóleyjargötu og Hringbraut, skal hámarkshraði vera 30 km á klst.

2. gr.

Samþykkt þessi öðlast þegar gildi.

Samþykkt þessi, sem borgarstjórn Reykjavíkur hefur samið og samþykkt samkvæmt lögum nr. 1 3. janúar 1890 um lögreglusamþykktir fyrir kaupstaðina, staðfestist hér með og birtist til eftirbreytni öllum þeim, sem hlut eiga að máli.

Dóms- og kirkjumálaráðuneytið, 16. október 1985.

Jón Helgason.

Ólafur W. Stefánsson.